

說文引經考異

叙

余友柳君翼南胸無俗累好讀書不主一家之說余前延請課子姪君授以尙書多於聲音訓詁中發明微言大義誤爲解詁堯典陶謨鉤稽今文家說體大思精爲江氏孫氏書疏所未及可謂宏我以漢京者矣後余任贛榆學君憚跋涉不獲與君偕行心常悒悒日者君寄所著說文引經攷異示余受而讀之凡許引尙書異字孫氏段氏訂爲古文者君訂爲今文詩則率較韓毛多得齊魯詩字皆崔有可信諸經文字異者以聲義求之明其通省假借曲證旁參不强古人以就我古今用字之變俗書苟簡之陋一展卷而無不瞭然焉若夫於現

項知貫鼎之爲昆鼎於蟻蚍識賓連之訓比連則又於
通假之中得經傳從來未解之誼是攷證文字同異豈
小補哉余方治易於異文異字亦多研究讀君是箸獲
益良多因從臾付梓以爲讀經者之助而又望君尙書
解詁之告成也咸豐二年同里李玉貴識於海州贛榆
學署

叙

今世經傳非今非古據說文所引以攷同異是猶不量鑿而正柄也然由魏晉流傳到今師法雖亡其文不異特字隨時易多俗書耳且蒙非第以是攷正今本也漢儒傳經既分今古文字異者固動以百數卽其治今文同爲古學字亦錯出良由師授不同讀有或異許君博綜兼采以入其書用廣異義存師讀自叙雖云其偶易孟氏書孔氏詩毛氏春秋左氏論語孝經皆古文棕覈所引率多今文家學不可不察也據叙所云疑許引易書詩古文皆繫以某氏以爲識別今無之者後人刊落之也古文多省假非無正字今文多正字非無省假蒙夙承庭訓粗識端委就許所引撰爲攷

異究今古文之別明其通假之指師讀之異兼正今本
俗書之謬不揣樸昧輒付剞劂非敢自多欲以就正有
道匡所不逮也若夫自立部分爲古音初同部相假不
同部不相假之說則非蒙所及知也咸豐五年歲次乙
卯夏四月柳榮宗叙於泰州海安鎮旅舍

許書引經異文者列於後錢屋事上時若問及家行世

者吳先生天指考陳先生瑞考於二書若臧氏張氏之什

未見傳本光緒丙子仲春計偕適出揚州偶於寶叔

書肆上得此書察其究竟今古文之別羅通設師侯

異微有足補助吳陳二先生之遺者末二葉闕上半就

書義我及記憶者妥爲補若干字未敢臆斷者仍蓋罔云

包先生世臣父有厚稱丹徒柳興家治經史漢餘傳列以
輯俗說者唐必石昇程行旅宿但追無臣訪定惜外一冊中實記

丁丑夏利明經集見 假使一遇沉不知作若之否後為然 不

說文引經攷異目錄

卷一 周易

夕惕若厲 亢龍有悔 乘馬班如 泣血漣如

再三瀆 以往吝 履虎尾愬愬終吉 包荒 噬

乾肺 童牛之牯 祗既平 百穀草木麗乎土

日昃之離 振恒凶 用拯馬壯吉 其牛掣 繫

于金柅 允升大吉 于艱脆 其文蔚也 亨飪

也 豐其屋 繡有衣袽 故再扐而後掛 服牛

乘馬 重門擊柝 天地絪縕 莫燠乎火 為昀

類 吳

卷二 尚書

格于上下 宅嵎夷日暘谷 平秩東作 鳥獸毛
旤 鳥獸旤毛 葢三百有六旬 疇咨 方鳩僝
功 有能俾乂 方命圯族 异哉 肆類于上帝
至于岱宗柴 鼯三苗于三危 帝乃殂落 闢
四門 惟時懋哉 皋陶 五品不遜 敎胄子
八音克諧

卷三 尙書

剛而塞 天討有罪 濟岐澮距川 作會宗彝藻
火粉米 撻以記之 無若丹朱傲 朋淫于家
娶于塗山 弼成五服 鳥獸跄跄 隨山刊木
厥草惟絳 草木漸包 淮夷蠙珠 達于河 篠

蕩旣敷 瑤琨 杻榦枯朽 惟箇簞楮 弱水

涿水 天用勦絕其命

卷四 尙書

率籲衆慙 若顛木之由槩 王播告之 今女聒
聒 予亦拙謀 相時愷民 西伯旣戡黎 大命
不孥 祖伊反 我興受其敗 尙桓桓 旣陞洪
水 彝倫攸斁 無有作好 七稽疑 曰騁 曰
貞曰悔 庶草蕃廡 王有疾弗豫 我之弗辟
王亦未敢誚公 越茲蠹 罔弗懃 盡執拘 至
于屬婦 惟其塗丹雘

卷五 尙書

越三日丁巳 其不能誠于小民 乃惟孺子頌
亦未克救公功 昭武王惟冒 叨憤 爾尙不忌
于凶德 常伯 其在受德醫 灼見三有俊心
用勸相我國家 憑玉几 在後之侗 敷重篋席
陳寶 一人冕執銳 三咤 耄荒 奪攘 劓
則桷黥 惟貌有稽 汝多修扞我于艱 賈誓
峙乃糗糧 未就予忌 惟截截善謫言 斷斷猗
邦之杻隍 伯囧

卷六

毛詩

參差荇菜 歸甯父母 我馬虺隤 我姑酌彼金
罍 陟彼砠矣 葛藟荒之 詵詵兮 桃之夭夭

江之永矣 怒如調飢 魴魚賴尾 王室如燬
于以采藻 召伯所茝 嘒彼小星 江有汜
其嘯也歌 何彼穠矣 寤辟有標 終風且暴
噎噎其陰 願言則寔 擊鼓其鏜 深則厲 湜
湜其沚 不我能慙 沚彼泉水 室人交徧摧我
靜女其姝 愛而不見 新臺有泚 燕婉之求
得此戚施

卷七

毛詩

髧彼兩髦 牆有茨 鬢髮如雲 王之頊也 是
繼祚也 綠竹猗猗 赫兮咺兮 會弁如星 充
耳琇瑩 衣錦褰衣 螭首蛾眉 施罔滅滅 鰭

鮪發發 信誓旦旦 芄蘭之支 童子佩褱 曾
不容刀 焉得諼草 嘆其乾矣 雉離于學 毳
衣如旻 毳衣如璫

卷八

毛詩

禮褻果虎 左旋右抽 無我醜兮 顏如舜華
風雨淒淒 挑兮撻兮 縞衣綦巾 溱與洧方渙
渙兮 竝驅從兩肩兮 婉兮變兮 盧令令 摯
摯女手 宛然左辟 馴鐵孔阜 載猷歇驕 公
矛鋌鋌 與子同澤 婆娑其下 邛有旨鬴 碩
大且儼 棘人欒欒兮 漑之釜鬻 衣裳楚楚
蒼兮蔚兮 其弁伊騏 一之日觶發 二之日栗

烈 六月食鬱及薁 黍稷重穋 納于凌陰 迨
天之未陰雨 予惟音曉曉 零雨其濛 蜎蜎者
蠋 熠燿宵行 鶴鳴于垤 載戩其尾 赤舄几
几

卷九 毛詩

嘽嘽駱馬 駢駢征夫 我馬維駒 原隰裒矣
伐木許許 坎坎鼓我 蹲蹲舞我 彼爾維何
烝然罩罩 厭厭夜飲 四牡奕奕 振旅闐闐
助我舉柴 旣伯旣禱 儻儻俟俟 鸞聲噦噦
可以爲錯 載衣之褐 憂心如惓 天方薦瘥
不敢不蹟 胡爲虺蜴 咻咻彼有屋

卷十

毛詩

豔妻煽方處 噂沓背憎 螟蛉有子 蜾蠃負之
宜岸宜獄 譬彼壞木 尙或瑾之 秩秩大猷
既微且燠 有覲面目 萋兮斐兮 緝緝翩翩
餅之罄矣 跂彼織女 匪鶉匪鳶 四牡彭彭
憂心且妯 我藝黍稷 祝祭于祊 既優既渥
取其血膋 去其螟螣 有渰萋萋 兕觥其觶
薦與女蘿 高山仰止 營營青蠅 止于樊 側弁
之俄 屢舞僭僭 觴沸檻泉 駢駢角弓 視我
邁邁

卷十一

毛詩

天難忱斯 在治之陽 綿綿瓜瓞 其會如林
陶復陶穴 混夷駢矣 維其喙矣 瑟彼玉瓚
民所燎矣 神罔時恫 與爾臨衝 崇墉屹屹
虞業維樅 逋求厥甯 不圻不副 實覃實訐
克岐克嶷 禾役穰穰 瓜瓞陟陟 卽有郇家室
或者或掄 烝之浮浮 敦弓旣句 公尸來止
熏熏 可以辭餽 潛不畏明 以謹憎愾

卷十二

毛詩

無然泄泄 民之方殿屎 天命匪諶 白圭之玷
告之話言 國步斯頻 滌滌山川 有嘒其星
鉤膺鏤錫 鞠人忮忒 獻其貔皮 鋪敦淮漬

假以溢我 鐘鼓隍隍 磬筦將將 貽我來牟
偉革有鷁 蝦蝦在沚 以蔣荼蓼 積之栗栗
絲衣其紕 載弁俅俅 駟駟牡馬 在坰之野
有驕有皇 言采其茆 憬彼淮夷 植穉菽麥
實始翦商 鞀鼓淵淵 亦有和羹 敷政優優
百祿是道 武王載旆

卷十三

周禮

儀禮

月令

夏行脰鱠膳膏臊 以家邑之田任稍地 以鬴辜
祭四方百物 朝踐用兩獻尊 右漆几 噩夢
孤乘夏篆 師都建旗 以授射甲革楫質者 以
授射豸侯鳥獸者 赤艾氏 欲其眼也 凡揉豕

外不廉 句兵欲無彈 廟門容大局七个 鉞芸
牛藿羊苦 質明行事 淫雨蚤降 腐草爲螢
命漁師 數將幾終

卷十四

春秋左氏傳

不義不暱 芟夷蕞崇之 歆如忘 鄭太子忽
齊人餽諸侯 除道梁渚 齊人滅譚 女摯不過
榛栗棗脩 齊侯來獻戎捷 虺涼 次于聶北
無以縮酒 受玉情 隕石于宋五 駢脅 天子
有事膳焉 鄉役之三月 瓊弁玉纓 諸侯敵王
所愾 檣机 饗饗 文馬百駟 楚人憇之 取
其鯨鯢 地反物爲妖 隕子辱矣 韓厥執縶馬

前 楚子登巢車 生澆及豷 會于鄒 所以從
先君子禰廟者 瘳狗入于華臣氏

卷十五

春秋左氏傳

輔躒 部婁無松柏 以備三恪 領之而已 公
孫段 或叫於宋大廟曰謏謏出出 翫歲而惕日

徐儀楚 使長鬣者相 日盱君勤 闕鞏之甲

子養 駟氏聳 澤之萑蒲舟鮫守之 揚徽者

公徒 王室實蠹蠹焉 唯是楸枌所以藉幹者

私降昵燕 鑿而乘他車 貫瀆鬼神 嘖有煩言

齊人來歸鄆讜 天王使石尙來歸賑 龜焦

煢煢余在疚 乘衷甸兩牡 祭 戴 絺 許

窮 躋階而走 昭公於是噉然而哭 則闐然公
子陽生也

卷十六

爾雅 孝經 論語 孟子

覲髮弗離也 是則也 皇華也 琮薄也 僂僂
洄洄 絨羔裘之縫也 扱衽謂之襍 醫無閭之
珣玕琪焉 西至於邠國 小山岌大山峘 如階
者階邱 水醮曰醮 汝爲瀆 釐蔓華 狸狐貉
猶醜其足躡其跡公 磨麋短脰 仲尼居 哭不
偯 文質彬彬 誄曰禱爾於上下神祇 啓予足
色勃如也 趨進翼如也 行不履閭 褻裘長
狐貉之厚以居 不使勝食氣 加朝服拖紳

鏗爾含瑟而作 羿善射 愬子路於季孫 有荷
蕢 小人窮斯濫矣 友便佞 陳亢 耒而不輟
以杖荷蓀 曾西蹵然不悅 爾焉能浼我哉
成甌 殷人七十而助 爲不若是愬 故源源而
來 接淅而行 二女果

說文引經攷異卷一

丹徒柳榮宗誤

周易

夕惕若厲

夕部夤敬惕也从夕寅聲易曰夕惕若夤今易乾九三爻辭夤作厲許書骨部惕下曰讀若易曰夕惕若厲引同今本夕部所引蓋別有所據厲嚴肅也與敬惕義通必以作夤爲誤非也

亢龍有悔

心部忼慨也从心亢聲一曰易忼龍有悔今乾上九忼作亢許所引或古文假借故引易列於一曰下明其

爲通假也許書亢部介下曰人頸也从大省象頸脈
形又頤云亢或从頁案人頸在上故其義爲極爲高
釋文引子夏傳云亢極也又引王肅云窮高曰亢皆
亢義之引伸也是亢爲正字矣

乘馬班如

馬部驢𩇑𩇑也从馬直聲易曰乘馬驢如案屯六二云
屯如逴如乘馬班如集解引虞翻注云屯逴盤桓班
躓也馬不進故班如矣釋文云班鄭本作般案班般
古字通許引作驢訓爲𩇑𩇑謂馬載重難行也驢與
班字異義同許書𩇑下曰馬載重難行也从馬𩇑聲段氏玉裁說文注
謂屯如逴如許所據蓋作𩇑如驢如乘馬二字當爲

誤文夫易言二之屯遄難行不進如馬之載重其行也駢驪然則乘馬句正形其屯遄之象如段所云不惟改說文竝改周易且二句同爲一義矣

泣血漣如

心部漣泣下也从心漣聲易曰泣涕漣如今屯上六作泣血漣如集解引九家易注云上无所復承憂難不解故泣血漣如體坎爲血伏離爲目互艮爲手掩目流血泣之象也虞注畧同是易本作泣血故注者據坎爲血卦言之許所引作泣涕或記憶之誤或所見本異離六五云出涕沱若離與坎旁通出離爲坎象水出目故出涕沱若是坎亦爲涕也漣作漣者漣本

瀾字或體

許書水部瀾下曰大波爲瀾从水闌聲又漣云瀾或从漣

今以漣爲泣

下貌讀力延反俗書俗音之誤也釋文云漣音連說文云泣下也陸所云與許書不相應蓋陸所據易本作漣故音連下徑引說文是可證唐以前易本不作漣矣

再三瀆

黑部黷握持垢也从黑賣聲

賣音育篆文作賣从貝齒聲隸作賣齒古文陸字

易曰再三黷今蒙豕黷作瀆集解崔憬云瀆古黷字也案許書水部瀆下曰溝也从水賣聲一曰邑中溝黷本貪黷字握持垢者謂黷貨者握持贓污之物耳溝瀆藏垢納污義得與黷通故崔以爲古黷字據釋

文引鄭康成注云褻也則字當爲嬾讀嬾均假借字

讀褻字本作嬾
媒見許書女部

以往吝

𠂔部

𠂔音連
隸作𠂔

遯行難也从𠂔𠂔聲

𠂔音吝又音
𠂔隸作𠂔

易曰以

往遯又憐云遯或从人此引蒙初六爻辭今本遯作吝虞注云吝小疵也虞氏世傳孟氏易者說文自敘云其稱易孟氏古文也則遯非古文矣許書口部吝下曰恨惜也从口文聲易曰以往吝又爽云古文吝从𠂔𠂔𠂔也象交文許於上字注中引經下云古文或从某者古文經本字下云或作某者各經本異文也口部稱古文吝从𠂔則正引孟易字𠂔部所引

爲別本異文本又作僻故許並列之虞注謂之應歷
險故以往吝謂四當求初初不當求四別本作遴必
有說初求四歷險以往其行必難者故許引以證行
難之訓與吝義異非別本吝俱作遴也遴爲行難引
仲爲貪麗之
稱漢書地理志下民已貪遴爭訟功臣表遴東舊章
魯恭王傳晚節遴杜欽傳不可已遴王莽傳上班賞
叵遴周公之報傳下性實遴說卦坤爲吝釋文云吝
京作遴廣雅釋詁云遴難也貪也麗也是遴爲遴麗
字後乃用吝蓋耳師古注漢書皆云遴與吝同非也
吝止有恨惜義廣雅釋詁云吝恨也與遴截然分訓
張衡思元賦云柏舟悄悄不飛屯六二往吝釋文
引馬融注云吝恨也與說文訓合則以往遴之遴非
吝之假
借矣

履虎尾愬愬終吉

虎部號易曰履虎尾號號恐懼一曰蠅虎从虎京聲

京

險今履九四云履虎尾愬愬終吉競競作愬愬無恐
懼字釋文云愬愬山革反馬本作競競音許逆反云
恐懼也許所據與馬本同其云恐懼釋競競之義非
異文也

包荒

川部荒水廣也从川亾聲易曰包荒用馮河今泰九二
荒作荒釋文云荒本亦作荒音同鄭讀爲康云虛也
集解虞翻云在中稱包荒大川也失位變得正體坎
坎爲大川爲河此卽荒之本義爲訓與許說合是虞
本亦作荒也許書艸部荒下曰蕪也从艸荒聲一曰
艸掩地也與此經義不相應作荒非矣

噬乾肺

肉部𩚑食所遺也从肉仕聲易曰噬乾𩚑又肺云揚雄

說𩚑从𠂔

東晉止篆文作𠂔

今噬嗑九四作噬乾肺釋文云

肺緇美反蓋漢以後經字用揚雄說而𩚑字遂廢

童牛之牯

告部告牛觸人

釋文引無人字

角箸橫木所以告人也从口从

牛易曰童牛之告今大畜六四作童牛之牯案許書

平部

平音愆篆文作𠂔从干二二古文上字

童下曰男有臯曰奴奴曰

童女曰妾从平重省聲人部僮下曰未冠也从人童

聲則童牛之童當爲僮今經典以童爲童幼字僮爲

僮僕字互易已久牯作告者虞注云牯謂以木楅其

角義與許同知虞本作告矣釋文云牯九家作告與許合若牯爲牛馬牢非所施於此也

祇既平

示部禔安福也从示是聲易曰禔既平案坎九五云坎不盈祇既平字作祇虞注云祇安也艮止坤安故祇既平虞作祇亦訓安以是氏古通禔之爲祇以偏旁通用假借耳故祇亦可借禔史記韓長孺傳禔取辱耳注云禔一作祇是也釋文云祇京作禔說文同安也是許本訓禔爲安今本說文作安福也蓋誤多福字爻義謂九五居尊而體坎互艮不至盈滿因安致平故无咎耳王弼以祇爲語詞非也

祇本地祇字借爲語詞則讀支

音詩亦祇以異祇攬我心左傳
祇見疏也是也別作祇祇並非

百穀草木麗乎土

艸部麗艸木相附麗土而生从艸麗聲易曰百穀艸木

麗於地今離豕傳艸作草麗於地作麗乎土案草作

艸者許訓艸云百卉也从二艸

音微象艸木
初生之形

訓草云

斗櫟實也一曰象斗子从艸早聲是草本櫟實字其

汁黑可以染周禮所謂皐

當作草

物也俗以草爲艸木

字別作皐爲草或又作皐蓋起於漢以後經典艸木

字無不作草木矣許所引古經本字也麗作麗者許

書鹿部麗下曰旅行也鹿之性見食急則必旅行从

鹿而聲禮麗皮納幣蓋鹿皮也若然則麗之言旅也

義爲旅麗爲艸木相附麗土而生是附麗之麗當作
麗因爲凡附麗之稱許引易此文作麗則離麗也日
月麗乎天重明以麗乎正之麗皆作麗矣以麗於地
之文爲麗之本義故引以爲證段玉裁謂許引易以
證麗从艸會意之情引易必不作麗因改注文从今
本案玉篇云麗力計切易曰百穀草木麗乎地麗附
著也本亦作麗是顧所據易亦作麗矣段說非也土
爲地者釋文云土王肅本作地與許同於乎通用字

日昃之離

日部昃日在西方時側也从日仄聲易曰日昃之離今
離九三昃作昃隸變也或又作吳段玉裁云日在上

而干聲則爲不雨日在旁而干聲則爲晚然則𡵚爲
日在西方不容移日在上形聲之內非無會意也

振恒凶

木部檣柱𡵚也古用木今以石从木耆聲易曰檣恒凶
是今易恒上六作振恒集解本作震恒虞注云在震
上故震恒案震振古通用尙書堯典震驚朕師史記
舜本紀作振驚衆是也震振又通作𡵚皋陶謨曰嚴
𡵚敬六德舜本紀作振敬無逸治民𡵚懼周本紀作
震懼是也檣𡵚音相近震恒之爲檣恒猶振敬卽𡵚
敬震懼卽𡵚懼也許書虫部𡵚下曰蟻子也从虫氏
聲又隄云古文𡵚从辰土是氏可通辰故振震通氏

聲之祗而氏聲之字又通耑土部坻下曰小渚也从
土氏聲又渚云坻或从水耑以此言之耑可通氏亦
可通辰矣則楮恒卽震恒亦卽振恒也

用拯馬壯吉

手部拊上舉也从手升聲易曰拊馬壯吉又撻云拊或
从登今明夷六二拊作拯釋文云拯拯救之拯說文
云舉也鄭云承也子夏作拊字林云拊上舉音承是
陸所見說文本作拯今大徐本作拊以俗別作拯爲
非案玉篇手部拊下曰音蒸又上聲救助也又撻拯
云並仝上顧氏字多據說文列拊於前以撻拯爲或
體是說文本作拊釋文所云蓋傳寫有誤拊或从登

許所見易有作撻者拯則俗字也

其牛掣

角部𦍋牛角仰也从角𦍋聲

𦍋音𦍋

易曰其牛𦍋今睽六

二𦍋作掣釋文云鄭作𦍋云牛角皆踊曰𦍋說文作𦍋云角一俯一仰子夏傳作契云一角仰也荀作𦍋劉本從說文解依鄭案釋文所引說文蓋有誤爾雅釋畜云角一俯一仰𦍋皆踊𦍋許於𦍋字注云角一俯一仰也从角奇聲不應解𦍋又爲角一俯一仰𦍋字旣用雅訓注𦍋爲一角仰者蓋所據爾雅不同𦍋之言掣也一角仰如有所掣牽然但不應徑作掣耳鄭作𦍋者爾雅釋文云𦍋一作𦍋子夏傳義同說文

則以契爲贅苟作觿所據本異是經無有作掣者

繫于金柅

木部柅絡絲柅也从木爾聲讀若柅案易姤初六繫于金柅釋文云柅說文作柅絡絲跌也讀若昵然則說文讀若柅下當有易曰繫于金柅之文今本脫之也許書木部本有柅字云木也實如梨从木尼聲而於簍車柄之屎下又出柅字云屎或从木尼聲大徐謂柅木若梨此重出今案許以柅本木名故側柅於木類而柅又爲屎之或體故又列柅於屎後非重出也惟柅爲屎之或體故易家說柅爲治絲具九家易云絲繫于柅猶女繫于男故以喻初宜繫二也虞注云

柅謂二也吳爲繩故繫柅乾爲金吳木入金柅之象也但未釋柅爲何物耳玉篇云柅女几奴禮二切木也絡絲柅也柅奴底切木也絡絲柅也則柅卽柅矣說文絡絲柅當从釋文所引作絡絲趺趺卽柅卽柅車輛也

允升大吉

本部

本音

允進也从本从中允聲易曰允升大吉今升

初六允作允集解荀爽云謂一體相隨允然俱升九家易云謂初失正乃與二陽合志允然俱升案允然者升之貌卽進義也允从本从中本進趨也中艸木初生上進之義也故允爲聲義爲進其實允亦有進

義許書放部

从音

旄下曰導車所載全羽以爲允允

然進也从放遂聲

御覽引作導車所載全旄之言允羽允允而進也當从之

也允允然進也是允亦進矣然則𦣻與允通字也

允

文作𦣻从𠂔从儿儿古文奇字人也𠂔用也用人進之也進而用之信之也允兼進信二義又允上从𠂔故書或用允爲以墨子明鬼篇引夏書曰百獸貞蟲允及飛鳥莫不比方允卽以也詁經者祇知釋詁允信之文而經典允字有難概以信訓者矣

于𦣻𦣻

出部𦣻𦣻不安也从出臬聲易曰𦣻𦣻繫傳𦣻俱作剝案困上六于𦣻𦣻釋文云𦣻說文作剝薛同𦣻說文作𦣻云不安也薛又作机字同陸所據說文與小徐本合則𦣻𦣻卽𦣻𦣻也許書瓦部𦣻下曰康瓠破

𦵏从瓦臬聲又𦵏云𦵏或从𦵏然則𦵏𦵏字通矣陸
謂𦵏𦵏同字據左傳𦵏𦵏許書木部引作𦵏𦵏是古
出兀字同聲通用則𦵏當从出聲許云从出臬聲蓋
傳寫之誤以許書例求之宜云从臬从出出亦聲凡
形貌之字多無定𦵏𦵏形不安貌也故或爲𦵏𦵏或
爲𦵏𦵏或爲𦵏𦵏或爲𦵏𦵏字異而聲義並同困九
別釋文云苟王作𦵏𦵏鄭云𦵏則當爲𦵏
𦵏五與上同辭則鄭本上六作𦵏𦵏矣

其文蔚也

文部斐分別文也从文非聲易曰君子豹變其文斐也
今革象傳斐作蔚虞注云蔚蔚也以蔚爲緜繹之義
與斐義絕異許所據別本也

亨任也

𩇛部

𩇛持也音軌

食任也从𩇛𩇛聲

軌隸作孰經典借為語詞俗因加火

作孰章孰也上从𩇛小篆𩇛作𩇛隸因作享凡从章之字皆以享為之如孰諄惇鶉孰淳等字而形聲與

義不可曉矣

易曰孰任今鼎彖傳孰作亨亨孰義同許書

無亨字釋文云亨本又作𩇛同普庚反蓋經典本以

𩇛為之隸作享又作亨耳俗以亨為元亨字因加火

作烹

元亨字疑易本作𩇛集解子夏傳亨通也許書𩇛部𩇛下曰獻也从高省日象進孰物形享獻

所以通已意也則亨有通義讀許庚反音之轉耳

豐其屋

山部

山音綿

豐大屋也从山豐聲易曰豐其屋今豐上六

作豐其屋段玉裁謂許引易以證豐从山之義易必

不作豐案此蓋許所據易作豐許書豐部豐下曰豆之豐滿者也象形是豐祇有滿義豐爲大屋可爲凡大之稱豐卦字蓋本作豐故彖傳曰大也段說未是

繻有衣柳

糸部

糸音密

絮絮繻也一日敗絮也从糸奴聲如音易曰需

有衣絮今既濟六四作繻有衣柳許書衣部無柳字而糸部繻下曰繒采色也从糸需聲讀若易繻有衣引此需作繻下脫一字蓋絮字也虞此注云乾爲衣故稱繻柳敗衣也乾二之五衣象裂壞故繻有衣柳又云繻者布帛端末之識也柳者殘幣帛衣可拂拭器物也與許義異釋文云繻鄭王音須子夏作襦薛

虞云古文作縗案縗卽縗之隸變猶儒之爲儒也據
子夏傳蓋易本作縗攷弓記弓人厚其帑注鄭司農
云帑讀爲縗有衣絮之絮引易正作縗彼釋文云縗
劉音須沈音儒本亦作縗是縗卽縗古文蓋假縗爲
之許於絮字注引作需蓋脫糸字偏旁縗字注引作
縗正引古文也縗爲衣之溫者許書衣部縗下曰短
衣也从衣需聲一曰縗衣縗衣衣之溫者日部縗安
奴旦切內則衣不帑縗袴鄭注云爲太溫傷陰氣
也此縗衣之明證縗有衣絮者謂伐鬼方三年乃克
旅人勤勞縗衣敗壞衣敗絮耳旣濟離下坎上本泰
息卦泰乾爲衣四互離爲日故衣爲縗乾二之五衣

服敗壞故爲衣絮此可觀象而得其義者釋文云柳京作絮與周禮注所引合

故再扌而後掛

手部扌易繫再扌而後卦从手力聲今繫上傳卦作掛釋文云掛京作卦謂再扌而後布卦案京房傳孟氏易者許所引同京則孟易也再扌而後掛者謂再爲分二掛一作卦者謂於此起卦爻義得並通段玉裁云爾

服牛乘馬

牛部犗易曰犗牛乘馬从牛犗聲不訓字義下卽引經許書每多此例今繫下傳犗作服玉篇云犗服也以

鞞裝馬也又云牛八歲曰犗案犗服古通用左氏僖二十四年傳王使伯服如鄭請滑史記周本紀作伯犗後漢書皇甫嵩傳董卓謂嵩曰義真犗未乎義真犗字章懷注犗音服說文曰犗牛乘馬犗古服字今河朔人猶有此言音犗然則犗服方言之異定字惠氏云字亦作犗史記趙武靈王騎射之犗戰國策犗作服特性饋食禮云犗荅拜焉鄭注云古犗爲復說文紕車紕也从糸伏聲又犗云紕或从革犗聲古音通也

重門擊柝

木部櫛判也从木席聲易曰重門擊櫛又云櫛夜行所擊者御覽引作行夜从木橐聲易曰重門擊橐今繫

下傳作柝柝卽櫛字隸變席爲斥又爲斥許書廣部

屋也从广市聲徐鍇謂判兩木于門夾爲機相擊以

警夜也今荒城多叩鼓以持更蓋其遺制此蓋望文

生義夫木判爲櫛猶土裂爲埽也許書土部埽下曰

隸作坵蓋埽者自埽義止爲判判分也疑卽今之拆

字許書手部讀如託者字从斥聲斥古音讀如託莊

子田子方篇揮斥八極釋文云斥郭音尺李音託是

斥有託音故柝讀如託擊櫟者正字擊柝者古文假

借字也

天地網緼

壺隸作壺壺也也从凶从壺不得泄凶也易曰天地

壺壺

壺專壺也从壺吉聲隸作壺

今繫下傳作細細釋文云本或

作氤氲案其字又作烟熅蔡邕典引注云烟熅天陰

陽和一相扶貌也許所據古文易本字廣雅云壺壺

元氣也當本易訓段玉裁云元氣渾然吉凶未分故

其字从吉凶在壺中會意

莫煖火

日部墜乾也耕暴田曰嘆从日堇聲易曰燥萬物者莫

嘆于離

堇隸作堇偏傍作莫

今說卦作莫煖乎火釋文云煖王

肅呼但切云火氣也徐本作嘆音漢云熱嘆也

徐邈爲易

音說文同案許書火部燂下曰乾也从火堇聲詩曰

我孔燂矣是嘆煖音義同乎于字通釋文止云說文

同徐作嘆則火之爲離蓋傳寫之誤然以莫盛乎艮之舉卦名言之或許所據作離陸未及引也

爲昀類

馬部駟馬白額也从馬昀省聲一曰駿也易曰爲昀類案釋文云昀丁歷反說文作駟是陸所據說文駟下引易說卦文作駟類也許書日部昀下曰明也从日勻聲易曰爲昀類而火部烜下則云望見火兒从火自聲徐鍇音自都歷反讀若駟類之駟此許所見易有作駟類者此其明證也蓋駟爲正字昀則古文假借字

巽

下部

下音

巽巽也从下从顛

音選

此易巽卦爲長女爲風

者案易𪔐皆作𪔐許注𪔐云具也从𠂔記聲

徐鎔云此音𪔐

而訓𪔐爲𪔐義本不殊但許止稱此𪔐爲長女爲風之𪔐似許所見全易皆作𪔐惟此作𪔐者豈說卦後得其字有異與

說文引經攷異卷二

丹徒柳榮宗謨

尙書

格于上下

人部假非眞也从人叚聲

叚本假借正字

一曰至也虞書曰假

于上下今堯典假作格許所引今文尙書也王逸楚

辭招魂注云假至也書曰假于上下後漢書明帝詔

丕顯之德假于上下馮異傳橫被四表昭假上下皆

今文也古格假通用許書木部格下曰木長兒从木

各聲則訓至訓升皆引伸之義要之格假均借字許

書彳部

彳音敕

假下曰至也从彳叚聲方言格假至也

其字从彳則徭假爲正字但許書無徭篆耳

宅嵎夷曰陽谷

山部嵎嵎山也

玉篇引作首嵎山也

从山易聲

陰陽本一作陰

曰嵎鐵

嵎谷也土部嵎夷在冀州陽谷

陽當作陽

立春日日值

之而出从土禺聲

禺音遇

虞書曰宅嵎夷日部陽日出

也从日易聲虞書曰陽谷案山部之嵎鐵嵎谷今文

尙書也土部日部之嵎夷陽谷古文尙書也史記夏

本紀索隱云嵎夷今文尙書及帝命驗並作禺鐵在

遼西鐵古夷字也書釋文云嵎夷尙書考靈曜及史

記作禺鐵

今史記堯本紀作郁夷陸所據作禺鐵是案史記多用今文尙書陸氏本是也

禺鐵爲今文之證山部以嵎谷綴嵎鐵下知嵎谷亦

今文矣許書金部鐵下曰黑金也从金戠聲

戠音秩又

鍊云古文鐵从夷則鐵鍊本一字鐵古从夷故索隱

以爲古夷字而鐵鍊皆當讀从夷今文之假借也今

文嶠本省假山部作嶠字之誤也書序疏云宅嶠夷

夏侯等書爲宅嶠鐵鐵者鐵之譌體宅嶠當作度禺

周禮縫人注引書曰度西曰榘穀疏云書

傳文宅西作度西知今文四宅字皆作度

土部引古

文作塢今作嶠者玉篇云塢夷日所出書曰宅塢夷

本或作嶠案嶠本山名據許書山部嶠下曰封嶠之

山在吳楚閒从山禺聲是卽魯語所云防風氏所守

者或作本誤也今文說禺鍊嶠谷在遼西古文說塢

夷陽谷在冀州遼西正冀州之地則其說同以本是

日出之地故其字从日作暘以本是山谷故其字从

山作暘其實一也

平秩東作

豐部

豐音禮

豳爵之次第也从豐弟聲虞書曰平豳東作

今書豳作秩釋文云秩如字案古从失从弟之字互

通瓜𪔐之𪔐或作𪔐是也

許書瓜部𪔐或作𪔐集韻云𪔐或作𪔐亦作𪔐案作

𪔐是也爾雅釋草云稊莢謂稊卽莢也是弟失通用之證許謂𪔐或从弗弗當作弟作弗者以篆文相似

而史記堯本紀作便程古从失从呈之字亦互通詩

秩秩大猷一作戢戢大猷是也

見許書大部

則程卽秩秩

卽豳史記用今文尙書以程爲秩釋文弟云秩如字

不言馬鄭有同異則馬鄭古文亦作秩許所據未知

其審今以意求之史記用今文說多古文程者秩之訓也若然則作秩者古文作𣎵者今文也𣎵爲爵之次第訓敘其正義也秩爲積禾兒許書禾部秩下曰日積之秩秩許訓積爲積禾則秩秩爲積禾兒也積禾必有條理訓敘其引伸之義也𣎵者正字秩者假借字今文多正字則𣎵爲今文審矣近儒治經者多皆以此等字爲孔壁古文不知僞孔託爲古文其字必不能與古文大異倘古文作𣎵馬鄭本當亦如是作矣釋文不容不言也

鳥獸毛毳

毛部毳毛盛也从毛隹聲虞書曰鳥獸毳毳說者謂爲毳毛古字惠氏定字云古文毳正作毳張有復古編云毳从毛隹別作毳非毳古毛字旣夕禮云馬不齊

髦鄭注云今文髦爲毛古文尙書毛皆作髦段玉裁

云毛部作毳毳部作毳

見下載音

蓋古今文之異今

案毳髦蓋毛毳之異文髦爲毳字之誤也周禮秋官

司裘仲秋獻良裘鄭注云良善也仲秋鳥獸毳毳及

其良時而用之鄭云鳥獸毳毳者卽本堯典是漢世

尙書毛毳有作毳毳者故鄭依用之則許書毳髦之

髦當爲毳字之誤鄭注毳毳之毳當爲毳字之駁夫

說文之字以類相从許書毳下乾云獸豪也从毛軌

聲

軌音

乾下毳云仲秋鳥獸毛盛可選取以爲器用

从毛先聲讀若選是毳義同選其云毛盛正承毳字

而言許所云卽尙書家說與鄭周禮注合若以毳髦

爲毳毛正文許不應列於毳字之前且毳爲經典中
僅見之字許於毳下不引虞書以已見於毳字注中
故不復引則毳毳爲毳毳之誤無疑但其誤已久故
周禮釋文竟音毳爲毛不知爲毳字之駁矣蓋古文
作毛毳今文作毳毳周禮疏引書失名注云毳理也
毛更生整理蓋鄭書古文注周禮注及許所云則今
文說也

鳥獸毳毛

毳部毳羽獵韋絛也从毳𠂔聲

火部無𠂔字今讀如朕隸變作矣

又𠂔

云毳或从衣从朕虞書曰鳥獸𠂔毛今書𠂔作毳釋
文引馬注云毳溫柔貌是古文作毳也其字从毛𠂔

聲禡者滿有所出也

肉部禡下曰以雖有所穿也从禡肉聲一曰滿有所出肉音納

則禡謂其毛盛滿出茸茸然禡从衣从朕朕爲微妙之義則褻蓋謂生微細之毛以自衣被朕禡同聲故褻禡皆讀而隴反蓋作褻者今文也許書毛部無禡字蓋脫之治經者不得以說文所無之字謂爲俗書概行刪落更易之

碁三百有六旬

禾部稭復其時也从禾其聲虞書曰稭三百有六旬今書稭作碁案碁卽期字許書月部期下曰會也从月其聲又同云古文从日𠂔此與稭音義各別自以期爲期年期月字又从古文𠂔之體作碁而稭字遂廢

段玉裁云歲復其時而禾一孰故其字从禾

疇咨

白部

白讀同自

𦣻詞也从白𦣻聲𦣻與疇同虞書帝曰𦣻咨

今書𦣻作疇案許書田部疇下曰耕治之田也从田

象耕屈之形又𦣻云疇或省此疇字本義

隸變𦣻作𦣻其从𦣻

之字亦然史記堯本紀云堯曰誰可順此事者訓𦣻爲誰

許書口部有𦣻字注云誰也从口𦣻又聲而廣韻所

據說文則作𦣻以𦣻爲或作字

廣韻云𦣻說文誰也又作𦣻是今本說文

口部有脫誤段玉裁云又不得爲聲說文當云𦣻誰也从口𦣻聲又出𦣻字云或作𦣻案許書老部𦣻西

部𦣻巾部𦣻皆从𦣻聲是口部𦣻然脫𦣻字

許訓𦣻爲詞訓𦣻爲誰史記

則𦣻亦訓誰疑說文詞也爲誰也之誤蓋𦣻𦣻本一

字白从自省口从白省耳从白从口一也

訃書自部自下曰鼻

也象形白部白下曰亦自字也省自者詞言之氣从鼻出與口相助

今文尙書則作訓

後漢書崔篆傳慰志賦云思輔弼以媿存兮亦號咷

以訓咨劉寬碑云開學稽古訓咨儒林魏元丕碑云

訓咨羣僚是也古州冑字互通許書西部醕下曰主

人獻客也从西冑聲又酬云醕或从州春秋晉侯州

滿史記晉世家作壽曼是其證也則訓卽冑鄭祈父

詩箋引書曰若冑圻父是尙書古文字皆作冑今經

典以田疇字爲之蓋始於改古文爲正書之時失六

書之義矣

方鳩僚功

彳部速歛聚也从彳求聲虞書旁速孱功人部倂具也

讀若汝南潯水

水部無潯字

从人弄聲

弄讀若翦

虞書曰旁救

倂功今書作方鳩倂功許所引於今古文未知其審

段玉裁以儀禮尙書方字今文皆作旁

方旁古通

許兩引

皆作旁因以爲今文尙書而以人部救字彳部孱字

爲駁文今案周禮大司徒職正日景以求地中鄭注

云故書求爲救杜子春云當爲求以此言之旁速孱

功者今文尙書旁救倂功者古文尙書周禮故書假

救爲求尙書古文假救爲速也今作鳩者蓋古文異

字

左氏亦古文亦以鳩爲聚

釋詁云鳩聚也亦假借字依字當爲

矧許書彳部

彳音包

矧下曰聚也从彳九聲讀若鳩是

勹爲正字集韻云勹古作救通作鳩其云古作救者
卽據旁救倂功言之而不知爲迷之假借也倂作倂
又作孱者皆通省字許訓倂爲具書釋文云倂徐音
撰馬云具也徐音馬義與許說合是倂音義俱如撰
也史記用今文尙書堯本紀作旁聚布功訓孱爲布
者王逸招魂注云撰猶博也許書十部博下曰大通
也从十从專專布也是博有布義凡物必先具備而
後可展布則具布義本相承是孱音義亦同撰也蓋
从尸从人義得通假今本尙書及玉篇廣韻字皆作
倂非也

有能俾乂

辟部𠩺治也从辟𠩺聲虞書曰有能俾𠩺今書𠩺作𠩺
案許書ノ部音𠩺又下曰芟艸也从ノ𠩺音弗相交𠩺
爲芟艸引伸之亦得爲治故古文假𠩺爲𠩺毛詩亦
古文或假艾爲之許引尙書作𠩺者今文尙書今文
多正字也

方命圯族

土部圯毀也从土己聲虞書曰方命圯族又醴云圯或
从手从非配省聲案漢書傳喜傳朱博傳皆云放命
圯族此今文尙書也許引作方古文尙書也圯或作
醴蓋古文尙書有作方命醴族者故許兼採之或今
文有如是作者

昇哉

収部

収音拱本作𠂔疎手也从𠂔又隸變作𠂔𠂔又卽左右本字

昇舉也从𠂔𠂔聲

虞書岳曰昇哉案據許所云則昇上从𠂔用之𠂔

从

反已隸變加人作以或作𠂔

僞孔傳云昇已也言餘人盡已惟鯨

可用疏云昇聲近已已訓止則上从已止之已釋文

云昇孔王音怡鄭音異是王肅本亦作昇訓已今訂

从說文作昇字从𠂔从𠂔𠂔舉也𠂔用也謂舉用之

此字形聲兼會意鄭音異者古假昇爲異列子楊朱

篇何以異哉張湛注云昇古異字也文選魏都賦昇

乎交益之士劉淵林注云昇異也史記堯本紀云嶽

曰昇哉試不可用而已舜本紀則云等之未有賢于

繇者願帝試之亦以异爲異此古文說言繇之才能
異衆也鄭義當然許訓爲舉蓋本今文說

肆類于上帝

帑部

帑音弟脩豪獸也釋獸云隸脩豪隸卽帑也

繇帑屬从二帑又繇云古

文繇虞書曰繇類于上帝今書繇作肆案史記訓肆

爲遂許書長部肆下曰極陳也从長隶聲隶音逮極陳

則遂一義之引伸也蓋今文作肆古文假繇爲之

至于岱宗柴

示部崇燒柴焚燎以祭天神

小徐本無焚字爾雅釋文引作燒柴燎祭天也

示此聲虞書曰至于岱宗崇又禘云古文崇从隋省

今書崇作柴段玉裁云禘蓋壁中故書孔安國以今

文讀之知禘卽小篆之崇字改從小篆作崇是孔氏古文尙書不必皆仍壁中字形也許旣稱古文尙書作崇綴禘於崇下者猶鄭注周禮旣从杜子春易字乃綴之云故書作某也案漢世重古文學者以其用倉頡書爲最初之字耳若易以小篆尙得謂之古文乎至援鄭注周禮例爲說可謂擬不於倫矣段說非也說文雖稱易孟氏書孔氏詩毛氏春秋左氏爲古文要亦不廢今文之學所以存師讀廣異義也引書作崇者今文尙書也下云禘古文崇从隋省者孔氏尙書也先列今文者尊令甲也釋文引馬注云祭時積柴加牲其上而燔之今文作崇取燔柴之義古文

作禘从隋省取實牲體之義許書肉部隋下曰裂肉也从肉陸省聲周禮春官守祫凡祭則藏其隋鄭注云尸所祭肺脊黍稷之屬藏之以依神此正肉之分裂者祭天積柴裂牲肉同燔之古文禘所以从隋省也本爲祭名故其字皆从示古文禘字不行而經典崇字皆从木非體也

竄三苗于三危

山部六音竄塞也从山六音𡵓聲𡵓音讀若虔書竄三苗之

𡵓今書竄作竄段玉裁云說文凡言讀若例不用本字倘尙書作𡵓又不當言讀若也𡵓三苗之𡵓二𡵓字本皆作竄古音竄七外反與𡵓同音淺人不知妄改爲𡵓也案段說似是然許書言讀若有多用本字者至竄有萃音昔人豈不知之借曰未知許明引竄

三苗以擬窺音卽讀窺爲七亂反可也何緣擅改經
文以就已之不識字哉是窺三苗之窺原引本如此
不得如段所云今以字義攷之許書穴部窺下曰匿
也从鼠在穴中漢書所謂奉頭鼠窺也易訟象傳歸
四年傳楚昭奔隨吳謂隨人曰天致罰于楚而君又
窺之國語不窺自窺于戎狄之間荀子儒効篇惠施
鄧析不敢窺其則窺三苗以本義言之是匿三苗矣
察此窺之本義毋乃不辭則窺乃是其本字其訓爲塞謂杜塞之使
不得通中國耳故史記作遷孟子及大戴禮作殺殺
者槩之省謂放散之不與通皆與窺義合作窺者蓋
古文同音假借字許所據今文與

帝乃殂落

𠂔部

𠂔音繫𠂔變作𠂔

𠂔往死也从𠂔且聲虞書曰勛乃殂今

書作帝乃殂落孟子萬章篇春秋繁露煥煖孰多篇
三國魏志明帝紀注御覽載五經通義引此經俱作
放勛乃殂落孟子殂作徂案勛勛古今字許書力部
勛下曰能成王功也从力熏聲又勛云古文勛从員
則𠂔部之勛古文尙書也止云勛乃殂者許引經每
多省節然漢書王莽傳莽說除明帝服云過密之義
在於季冬師古注云虞書放勛乃徂百姓如喪考妣
三年四海過密八音全引經文殂作徂與孟子同引
亦無落字與說文合蓋漢時古文尙書無落字師古
所引當爲馬鄭本與許同也今書放勛作帝者僞傳

不以爲堯名故改經以就已說也

闢四門

門部闢開也从門辟聲又闢云虞書曰闢四門从門从
𠂔案此當於闢篆下云古文闢虞書曰闢四門从門
从𠂔許書𠂔部𠂔下曰引也从反収又攢云𠂔或从
手从樊卽今之攀字也古音讀如班故古文闢字从
𠂔門會意

惟時懋哉

心部懋勉也从心棼聲虞書曰時惟懋哉今書作惟時
史記舜本紀作維是勉哉與今本同許所據作時惟
玉篇人部引亦然疑古文如此

暨皋陶

𠂔部

𠂔音吟隸作𠂔

皋衆詞與也

當作衆與詞也

从𠂔自聲虞書曰

皋咎繇又累云古文皋今書作暨皋陶案旦部暨下

日日頗見也从旦既聲此其本義據鄭詩商頌譜引

無逸爰暨小人暨作泊許引此經作皋是尙書暨與

字本不作暨也皋陶作咎繇者案橐爲車上大橐从

橐省咎聲

橐音渾

礬爲大鼓从鼓咎聲是咎有高音故

从咎字之字亦讀高而皋作咎也釋詁云鬱陶繇喜

也陶繇聲義通漢世惟今文立學官凡漢儒用尙書

見於前後漢書者皋陶字多爲咎繇許書言部謨下

曰議謨也从言莫聲虞書咎繇謨又暮云古文謨从

口列古文於下上引書亦作咎絲與𠂔部例同其云古文承上注中引經言之則古文謂書古文也是鳥咎絲咎絲謨者今文尙書古文尙書作累皋陶皋陶暮也審是知示部之紫爲今文禱爲古文明矣

五品不遜

心部慈順也从心孫聲唐書曰五品不慈今書慈作遜案許書彳部遜下曰遁也从彳孫聲是遜爲遜遁字非慈順字也今經典順遁字皆作遜或以孫爲之許所引書古文本字也今文作不訓大傳曰五品不訓責之司徒史記舜本紀作不馴馴卽訓廣雅釋詁云訓順也此卽今文書詁古讀訓爲順與慈同音通用

教胄子

士部

士不順忽出也从側子篆文作𠂔音突或从側古文𠂔作𠂔

育養子使作善也

从士肉聲虞書曰教育子又毓云育或从每今書育作胄通典五引魏文侯孝經傳云帝命夔曰命汝典樂教胄子胄子國子也漢書禮樂志云國子者卿大夫之子弟也下引此經亦作胄子說爲國子揚雄宗正箴云各有育子世不以錯亦用此經則作育子史記舜本紀作教穉子是訓育爲穉所據亦作育子與許所引合此古今文之異逸周書太子晉解云人生而重丈夫謂之胄子胄子成人能治上官謂之士亦謂胄子爲穉子胄育義通國子均穉子也育或从每

是今文又有作𪛗子者

八音克諧

龠部𪛗樂和𪛗也从龠皆聲虞書曰八音克𪛗今書𪛗作諧案許書言部諧下曰詒也从言皆聲與𪛗音同義別釋詁諧和也亦以諧爲𪛗如𪛗調之𪛗今皆用應咏之咏龠部𪛗下曰調𪛗也从龠禾聲口部咏下曰相應也从口禾聲今以咏爲𪛗而字又作和其應和之和讀去聲古今字變許所據古文本字也

說文引經攷異卷三

丹徒柳榮宗謨

尙書

剛而塞

心部竊實也从心塞省聲虞書曰剛而塞今皋陶謨塞

作塞案許書土部竊下曰隔也从土寒聲

竊音塞隸變作寒

塞塞音同義異今塞行而塞廢史記夏本紀作剛而

實以訓詰代經字也

天討有罪

支部

支隸作扑偏旁作欠

駁棄也从支𠂔聲周書以爲討詩曰無

我敵兮段玉裁云周書無討字惟皋陶謨云天討有

罪疑周當作虞案从罰之字隸作壽篆文壽作𣦵从
老省罰聲而禱擣𣦵燾等字皆从壽得聲禱或省作
禱擣又或爲擣𣦵古文禱示部禱从示壽聲又禱云
禱或省手部擣字小徐篆从壽大徐
篆从𣦵而音讀如倒如到以此例之𣦵从罰聲古音蓋
讀如討故遵大路詩與下好韻猶禰从示周聲音讀
如禱也天𣦵有罪言天棄絕有罪之人與討治之討
同意言部討下日治
也从言从寸疑𣦵討爲古今字禱燾等字从
壽與从言从寸之討音近紂耐等字从寸與从老省
罰聲之壽音近是古从壽从寸之字音互通

濬畎澮距川

谷部容深通川也从占谷占殘也谷阮坎意也虞書容

𡗗澮距川又濬云容或从水又濬云古文容川部川
貫穿通流水也虞書曰濬くく距川言深くく之水
會爲川也案據谷部云濬爲古文容而川部引書正
作濬則濬くく距川爲古文尙書容𡗗澮距川今文
尙書也此可爲許書引書作某下列古文作某上所
引書爲今文下所列字爲書古文之切證今文容𡗗
澮俱用小篆而くく則假澮水字爲之許書く部く下
曰小流也周禮匠人爲溝洫柶廣五寸二柶爲耦一
耦之伐廣尺深尺謂之く又𡗗云古文く从田川案
既爲古文則𡗗不得又爲古文矣古又𡗗云篆文く
字疑籀字之譌不然卽古文或作字
是𡗗爲小篆許書凡言篆文作某者謂李斯小篆則
上一字爲古文凡言古文作某者則上

一字爲小篆水部澮下曰水名出霍山西南入汾从水會聲是澮本水名而許書ㄩ部ㄩ下曰水流澮澮也方百里爲ㄩ廣二尋深二仞重言之則澮澮又爲水流兒故今文假爲ㄩㄩ則古文象形字周禮亦古文故ㄩㄩ字與尙書同今皆作𣶒澮矣

作會宗彝藻火粉米

糸部

糸音密

繪會五采繡也从糸會聲虞書山龍華蟲作

繪論語曰繪事後素玉部璫玉飾如水藻之文从玉

臬聲

臬俗作噪

虞書曰璫火粉米黼部

黼音止

粉衮衣山龍

華蟲黼畫粉也从耑从粉省衛宏說今書繪作會璫火粉米作藻火粉米釋文云粉米說文作黼黼徐本

作綵音采案許書耑部無𦵏字糸部有綵字云繡文如聚細米也从糸从米米亦聲此當本尙書字疑亦衛宏說則玉部引書蓋本作𦵏綵故𦵏篆綵篆下不引虞書釋文當云粉米說文作𦵏綵徐本作𦵏音米傳寫者綵𦵏互易以致誤是米又作綵也許所引爲古文古文會作繪今文作績釋文云會馬鄭作繪胡對反與許所引同知璪火𦵏綵亦古文矣繪本黃外反音胡對反者馬鄭讀繪爲績也文選何晏景福殿賦云命共工使作績李善注云尙書曰子欲觀古人之象作繪此據鄭本鄭元曰績讀爲繪當作繪讀爲績凡畫者爲繪繪當作績此與上皆傳寫互誤胡對切鄭以繪爲五采繡績爲畫

故據今文讀繪爲績鄭注周禮春官引書作作績後漢書輿服志引同與何賦皆用今文也左思魏都賦云有虞作繪張孟陽注引書作繪此用古文也古字繪績通用論語繪事後素釋文云繪胡對反本又作績同畫文也考工記凡畫績之事後素功鄭司農說以論語曰績事後素字正作績蓋尙書論語古文並假繪爲績鄭讀繪爲績說作績爲畫曰月星辰山龍華蟲六章於衣許訓繪爲會五采繡釋字之本義也藻藻等字亦今古文之異御覽引大傳曰天子衣服其文華蟲作績宗彝藻火山龍諸侯作績宗彝藻火山龍子男宗彝藻火山龍大夫藻火山龍士山龍繪藻作績藻則粉米爲今文從

可知書疏引鄭注云粉米白米是鄭本亦作粉米許
據衛宏說以爲畫粉字作𦉰蓋其古文尙書訓旨說
也謂以粉爲界畫繡以成文其形靡密如聚細米故
其字从𦉰从糸衛鄭同傳古文而其經字之異有如
此

撻以記之

手部撻鄉飲酒罰不敬撻其背从手達聲又達云古文
撻象形周書曰達以記之案周爲虞字之誤今本達
作撻以小篆易古文也

無若丹朱傲

糸部絛純赤也虞書丹絛字如此从糸朱聲亦部

浩赤音

冪嫚也从百

古文首字

从𠂔𠂔亦聲虞書曰若丹朱冪讀

若傲案許云虞書丹絀字作絀謂皋陶謨丹朱字古文如此作也則冪下引書丹朱當爲丹絀冪今書作傲釋文云傲五報反字又作冪此又作之字與許合許書人部傲下曰倨也从人敖聲則冪傲音義同史記夏本紀作傲與今本合漢書劉向傳後漢書梁冀傳論衡譴告篇問孔篇俱引作毋若丹朱敖管子宙合篇若敖之在堯也房元齡注云敖堯子丹朱慢而不恭故謂之敖書曰毋若丹朱敖房所據蓋卽本漢書論衡等書所引今文尙書也

朋淫于家

土部塋喪葬下土也从土朋聲春秋傳曰朝而塋禮謂

之封周官謂之窆虞書曰塋淫于家亦如是

尉本古文鳳字

許云鳳飛羣鳥从以萬數故以爲朋黨字朋隸變也

今書塋作朋塋者古文之

假借也或據本訓說尙書謂丹朱於堯喪葬時宜淫門內言無哀戚之心倘書說本如是許當於塋篆訓下先引虞書今列於左傳儀禮周官後而云亦如是明其爲朋之假借也夫丹朱卽不肖不至如或所云也

娶于塗山

岫部

岫音莘

嶽會稽山也一曰九江當塗

小徐本作嶽

也民俗

以辛壬癸甲之日嫁娶从岫余聲虞書曰予娶嶽山

今書龠作塗左傳呂覽字皆作塗龠塗蓋古今字會稽山在今浙江紹興府治東南十二里當塗在今安徽鳳陽府懷遠縣東南有塗山非江南太平府治之當塗縣也

粥成五服

弓部

弓音節隸作口

卽輔信也从口比聲虞書卽成五服今書

卽作粥案許書弓部

降弓音

粥下曰輔也重也从弓丙

聲

丙古文丙讀若誓

則卽粥同義許以卽从口口爲瑞信故

說爲輔信耳論衡藝增篇引書亦作粥許所據蓋古文也

鳥獸跲跲

倉部膾鳥獸來食聲也

玉篇倉部作來食穀聲不引說文實本許義今本食下蓋脫穀

字从倉月聲

許書無月字考鼎字下象析木兩向左為月右為片李陽冰云出字右旁為片

左為片音膾案李音是也許書片部蓋脫此字

虞書曰鳥獸膾膾今書膾作

隄案許書足部隄下曰動也从足倉聲是隄以倉為聲以足為義膾以倉為義以月為聲義自有別許所據作膾字本从倉故訓為鳥獸來食聲鄭注周禮大司樂引此經亦作膾疏引鄭書注云謂飛鳥走獸膾膾然而舞也是鄭本作膾讀為隄史記夏本紀云鳥獸翔舞義與鄭同此蓋今文說許則謂樂致鳥獸其食穀聲膾膾然蓋本古文說說苑辨物篇引此經作鴈鴈曲禮士隄隄釋文云隄本又作鴈則鴈為隄之

假借字

隨山刊木

木部槩槩識也从木夊闕夏書曰隨山槩木讀若刊又
槩云篆文从𠂔音牽今禹貢皋陶謨槩俱作刊案作槩
者古文也訓爲槩識者許於槩字注云衰斫也从木
差聲則槩識謂衰斫之以爲道路高下表識史記夏
本紀述禹貢作行山表木以表訓槩與許同其述皋
陶謨作隨山槩木漢書地理志述禹貢亦作槩此今
文尙書字許列刊於刀部云剡也从刀干聲與槩義
異左氏傳云井堙木刊謂剡削其木故从刀爲義今
以木刊之刊爲槩木之槩非也

厥草惟繇

艸部繇艸盛兒从艸繇聲書曰厥艸惟繇今書繇作繇
偽傳訓爲茂漢書地理志引作厥中惟繇許書中艸部
生也古文或
以爲繇字師古注云繇悅茂也以釋詁云繇喜也
故爲此訓許所據从艸乃其正字

草木漸包

艸部薪艸相薪苞也从艸斬聲書曰艸木薪苞又薪云
薪或从槩今書作漸包釋文云漸如字本又作薪字
林音才冉反草之相包裹也包必遙反字或作苞是
陸所見本有與許同者釋詁云苞豐也詩疏引孫叔
然注云物叢生曰苞

淮夷蠙珠

玉部玼珠也从玉比聲宋宏曰淮水中出玼珠玼選珠

之有聲者

者字依小徐本補

又蠙云夏書玼从虫賓

虫音

今

書作蠙釋文云蠙字又作蚘

當作玼

韋昭薄迷反蚌也

史記夏本紀漢書地理志述此經皆作蠙索隱及師

古注皆云蠙一作玼是尙書蠙珠一作玼珠故索隱

及師古所據史記漢書述禹貢有作玼珠者而注之

云蠙一作玼蓋今文尙書字許云夏書玼从虫賓蓋

古文尙書字此與先列今文後引古文字作某又自

一例如言部譙下曰嬈譙也从言焦聲又謂云古文

从肖周書曰亦未敢謂公則譙必今文尙書字此則

明言古文繫則未明言耳其例正同賓比雙聲古亦
有用賓爲比者白虎通封禪篇云王者繼嗣平則賓
連生於房戶賓連者木名也其狀連累相承故生於
房戶象繼嗣也以蟻比例之則賓連者比連也賓比
同聲通用故蟻比同字

達于河

水部洿澤水在山陽湖陵南禹貢浮于淮泗達于荷从
水荷聲今本荷作河誤字也漢書地理志山陽郡湖
陵縣下曰禹貢荷水在南字作荷蓋古文假借字

篠簞旣敷

木部楫木名也从木晉聲書曰竹箭如楫

音箭今書無此

文惟禹貢揚州篠簜既敷瑤琨篠簜史記夏本紀述
此文篠簜字俱作竹箭蓋今文尙書字許云書曰竹
箭蓋謂是也周禮職方氏揚州其利金錫竹箭則今
文尙書與周禮合其云如楮者謂今文說竹箭形如
楮耳竹箭如楮四字蓋今文章句文楮之形狀未聞
尙書大傳商子謂伯禽曰南山之陰有木名梓晉晉
然而俯是晉有低小之義楮从木从晉蓋木之低小
者竹箭似之耳故箭亦謂之晉周禮職方氏注云故
書箭爲晉杜子春云當爲箭書亦或爲箭晉卽楮也
箭形如楮故書卽假楮爲箭作晉者古文省審是而
竹箭如楮之說瞭然矣許書竹部云箭矢也从竹箭

聲筱箭屬小竹也从竹攸聲箛大竹也从竹湯聲書
曰瑤琨筱箛箛可爲幹筱可爲矢以此言之則今文
作竹箭竹卽箛箭卽筱耳文異而實不異也

瑤琨

玉部琨石之美者从玉昆聲夏書曰瑤琨又瓊云琨或
从貫案釋文云琨馬本作瓊漢書地理志引此亦作
瓊韋昭云瓊音貫案昆貫音近通用大雅皇矣篇串
夷載路箋云串夷卽混夷釋詁云串貫習也釋文竝
音古患反則串卽貫矣混夷卽昆夷也禮記明堂位
云崇鼎貫鼎鄭注崇貫國名文王伐崇古者伐國遷
其重器今以琨瓊推之貫鼎昆鼎也卽伐昆夷所得

者禮記今文學以貫爲昆尙書琨作瓊今文尙書也
故漢志引作瓊馬本亦作瓊者馬鄭同傳古學其經
字每有不同蓋由師讀之異

杫榦栝柏

木部杫木也从屯聲夏書杫榦栝柏又櫟云或从熏又
杫云古文杫今本作杫釋文云杫勑倫反又作櫟鄭
注考工記云禹貢荆貢櫟幹栝柏是鄭引尙書作櫟
也榦鄭引作幹者書釋文云榦本又作幹陸所據又
作本與鄭所引同蓋杫櫟皆今文尙書字屯熏亦音
相近古文尙書則作杫也向謂許書注中引經下載
或从字爲各經本異文此及上琨瓊字信而有徵矣

惟箇箒楷

竹部箒箇箒也从竹路聲夏書曰惟箇箒楷又箒云古

文箒从箒木部枯下曰橐也从木古聲夏書曰唯箇

箒枯木名也案箒當作箒竹部所引今文尙書也木

部所引古文尙書也史記夏本紀作維箇箒楷與許

竹部所引合

史記惟作維者今文如是顏師古匡謬正俗云古文尙書作惟今文尙書作維

許引古文作唯本通用字

鄭注攷工記云荊州貢箇箒楷枯與木部

所引合竹部稱箒古文箒者謂書古文也審是則箒

爲書古文紫爲今文益明矣楷作枯者古文假借字

許訓楷云木也从木苦聲詩曰榛楷濟濟是楷爲正

字故許於枯下先列本訓後引書而釋之云木名也

明其爲古文之假借也周禮釋文云枯音戶尙書作
楮此據僞傳本言之於今古文昧然矣

弱水

水部溺水自張掖刪丹西至酒泉合黎餘波入于流沙
从水弱聲今本溺作弱而以溺爲休沒字此蓋今古
文之異古文假弱爲溺也

漾水

水部漾水出隴西獬道東至武都爲漢又漾云古文从
養案史記夏本紀作道漾古文也漢書地理志作道
漾今文也而地志於隴西氐道縣下云禹貢養水所
出師古注云養音弋向反字本作漾或作漾班氏地

志述禹貢山水多云古文以爲某此引作養是古文
又作養也釋詁云養長也古作養夏小正云時有養
日時有養夜養卽養也故漾水字古文爲漾又省作
養師古以漾爲或作字非也此與上溯水未引書辭
要皆述禹貢文也

天用勦絕其命

刀部勦絕也从刀朮聲商書曰

商當作夏

天用勦絕其命今

甘誓剝作勦釋文云馬本作勦案許書力部勦下曰

勞也从力巢聲春秋傳曰安用勦民

此隰括左氏宣十二年傳文也

勦無絕義也馬本作勦从刀刀爲刀之隸變蓋書本

作勦今誤从力耳許書水部灋下曰讀若夏書勦絕

勦當爲勦之誤是許所據書有作勦者與馬本合蓋
古文作勦絕今文作勦絕刀部勦下疑脫古文勦篆
勦之爲勦猶藻之爲藻也許書艸部藻下曰水艸也从艸从水巢聲又藻云藻
或从澡漢書王莽傳郭欽封剝胡子又云命大司空征
伐剝絕俱本甘誓字與許刀部引同是剝爲今文也
若外戚傳武帝悼李夫人賦云命櫟絕而不長師古
注櫟截也音子小反則假櫟爲剝是今文尙書又有
作櫟絕者而武帝承用之也